



Broj: 15-03-16-5-66-52/19
Datum: 16.10.2019. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav 2. tačka e) i člana 70. stav 1. Zakona o javnim nabavkama („Službeni glasnik BiH“ broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08) direktor Agencije za identifikaciona dokumenta, evidenciju i razmjenu podataka Bosne i Hercegovine donosi:

O D L U K U **o poništenju postupka nabavke**

Član 1.

Poništava se postupak javne nabavke radova na izgradnji zgrade za smještaj sjedišta i organizacionih jedinica Agencije, objavljen na web portalu Agencije za javne nabavke Bosne i Hercegovine, Obavještenje o nabavci broj 1110-1-3-49-3-38/19 od 5.7.2019. godine i Ispravka za Obavještenje o nabavci broj 1110-1-3-49-8-41/19 od 31.7.2019. godine, za koji je primjenjen otvoreni postupak.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

U otvorenom postupku javne nabavke radova na izgradnji zgrade za smještaj sjedišta i organizacionih jedinica Agencije, Komisija za provođenje postupka javne nabavke je konstatovala je da je rok za dostavljanje ponuda 11.9.2019. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to: Grupe ponuđača HERC GRADNJA d.o.o. Bileća, SECTOR SECURITY d.o.o. Banjaluka, HIT ING d.o.o. Banjaluka, ELNOS BL d.o.o. Banjaluka, ČIKOM d.o.o. za informatički inženjering Podgorica-Crna Gora i Grupe ponuđača PRIJEDORPUTEVI a.d. Prijedor, ITC d.o.o. Zenica, GRAĐENJE d.o.o. Pale i ETS d.o.o. Sarajevo. Neblagovremenih ponuda nije bilo.

Komisija je u fazi pregleda i ocjene ponuda utvrdila da ponuda grupe ponuđača **HERC GRADNJA d.o.o. Bileća, SECTOR SECURITY d.o.o. Banjaluka, HIT ING d.o.o. Banjaluka, ELNOS BL d.o.o. Banjaluka, ČIKOM d.o.o. za informatički inženjering Podgorica-Crna Gora** nije prihvatljiva iz sljedećih razloga:



- Aneksom 10 (Predmjer i predračun radova) propisano je da ukoliko ponuđač ne dostavi cijene za sve stavke predmjera i predračuna iz ovog aneksa, ponuda će se smatrati neprihvatljivom i samim tim neće se uzeti u razmatranje. Uputstvo za ponuđače je dato i u Aneksu 4a: Obrasca za cijenu ponude, gdje je propisano da je ponuđač dužan dostaviti popunjen obrazac predmjera i predračuna radova sa iskazanim cijenama za svaku stavku posebno i ukupnim zbirom svih stavki, te da će ugovorni organ kontrolisati računsku ispravnost samo glavnih grupa radova.
- Navedeni ponuđač nije iskazao jediničnu i ukupnu cijenu za stavku 6 – nabavka i ugradnja cijevi od nehrđajućeg čelika (prema AISI 304) za razvod komprimovanog vazduha dimenzija DN 32 – 1 ½" u dužini od 15 m, a sve evidentirano na strani 167 Tenderske dokumentacije (str. 1.389 Ponude).

Cijeneći navedeno ponuda ove grupa ponuđača je ocijenjena neprihvatljivom i nije uzeta u dalje razmatranje.

Komisija je prilikom analize utvrdila da je ponuda **Grupe ponuđača PRIJEDORPUTEVI a.d. Prijedor, ITC d.o.o. Zenica, GRAĐENJE d.o.o. Pale i ETS d.o.o. Sarajevo** kvalifikovana i prihvatljiva, ali da ova ponuda iznosi 15.950.145,78 KM bez PDV-a, odnosno 18.661.670,56 sa PDV-om, čime je ista za 2.018.521,85 KM bez PDV-a, odnosno 2.361.670,56 sa PDV-om veća od planiranih i odobrenih sredstava za predmetnu javnu nabavku. Naime, Odlukom o pokretanju postupku javne nabavke, broj 15-03-16-5-66-4/19 od 5.7.2019. godine planirana su sredstva za predmetnu javnu nabavku u iznosu od 13.931.623,93 KM bez PDV-a, odnosno 16.300.000,00 KM sa PDV-om.

S obzirom na navedeno, Komisija je predložila donošenje odluke o poništenju postupka nabavke u skladu sa članom 69. stav 2. tačka e) Zakona o javnim nabavkama BiH, iz razloga što je cijena kvalifikovane i prihvatljive ponude znatno viša od osiguranih sredstava za predmetnu nabavku.

Komisija je prema specifikaciji navedenoj u Tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za poništenje postupka nabavke.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by: ANANIC / digitalno potpisano / digitally signed